



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 06-11-853-7/24
Sarajevo, 11.10.2024. godine

Na osnovu člana 69. stav (2) tačka a), člana 70 st. (1), (4) i (6) Zakona o javnim nabavkama („Službeni glasnik Bosne i Hercegovine“, br. 39/14, 59/22 i 50/24) i člana 8. stav (2) tačka d) Pravilnika o uspostavljanju i radu komisije za nabavke („Službeni glasnik Bosne i Hercegovine“, br. 103/14 i 49/23), na Preporuku Komisija za nabavku, broj: 06-11-853-4/24 od 07.10.2024. godine, u postupku javne nabavke roba: „Šatori, vreće za spavanje i prostirke“, direktor Kantonalne uprave civilne zaštite Kantona Sarajevo, donosi

ODLUKU
o poništenju postupka javne nabavke

Član 1

Poništava se postupak javne nabavke roba: „Šatori, vreće za spavanje i prostirke“, u skladu sa članom 69. stav 2. tačka a) Zakona o javnim nabavkama („Službeni glasnik Bosne i Hercegovine“, br 39/14, 59/22 i 50/24 u daljem tekstu: Zakon o javnim nabavkama) obzirom da nije dostavljena nijedna ponuda u određenom krajnjem roku.

Član 2.

Za realizaciju ove Odluke zadužuje se i ovlašćuje Komisija za javnu nabavku roba: „Šatori, vreće za spavanje i prostirke“ i Sektor za materijalno-finansijske poslove Kantonalne uprave civilne zaštite Kantona Sarajevo.

Član 3.

Ova Odluka će se objaviti, u skladu sa članom 70. stav (6) Zakonom o javnim nabavkama, na web stranici Kantonalne uprave civilne zaštite Kantona Sarajevo (www.kucz.ks.gov.ba).

O B R A Z L O Ž E N J E

Postupak javne nabavke roba: „Šatori, vreće za spavanje i prostirke“, pokrenut je Odlukom o pokretanju postupka javne nabavke, broj: 06-11-853/24 od 21.08.2024. godine.

Postupak predmetne nabavke sproveden je putem otvorenog postupka javne nabavke uz predviđenu E - aukciju.

Komisija za nabavku je imenovana Odlukom, broj: 06-11-853-1/24 od 21.08.2024. godine.

Obavještenje o nabavci, broj: 282-1-1-99-3-60/24, objavljeno je dana, 13.09.2024. godine na Portalu javnih nabavki, kao i tenderska dokumentaciju za predmetni postupak javne nabavke u sistemu „E-nabavke“, dok je sažetak Obavještenja o nabavci broj: 06-11-853-2/24 od 13.09.2024. godine istog dana poslan na objavu u Službeni glasnik Bosne i Hercegovine.

Na sjednici Komisije za nabavku održanoj 07.10.2024. godine, u terminu za otvaranje prispjelih ponuda, koji je određen tenderskom dokumentacijom, kao i obavještenjem o nabavci, Komisija je zaključila Zapisnik sa otvaranja ponuda obzirom da nije dostavljena nijedna ponuda u određenom krajnjem roku pa je shodno tome Komisija pripremila preporuku o poništenju postupka predmetne javne nabavke.

S tim u vezi, kako u roku utvrđenom za prijem ponuda nije zaprimljena nijedna ponuda, a nije bilo ni ponuda zaprimljenih nakon isteka roka za prijem ponuda, Komisija za nabavku dostavila je direktoru Kantonalne uprave civilne zaštite Kantona Sarajevo dana 14.10.2024. godine Preporuku o poništenju postupka, broj: 06-11-853-4/24 i Izvještaj o provedenom postupku javne nabavke broj: 06-11-853-5/24 od 10.10.2024. godine.

U postupku donošenja ove Odluke, posebno su cijenjene činjenice da je Komisija za nabavke u skladu sa kriterijima iz tenderske dokumentacije, pravilno i u potpunosti izvršila ocjenu kvalifikovanosti ponuđača, kao i pregled i ocjenu ponuda.

U postupku ocjene provedenog postupka predmetne nabavke, rukovodilac Ugovornog organa nije našao razloge nepravilnosti niti propuste u radu, koje bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno, da je Komisija za nabavku u svemu pravilno postupila u skladu sa odredbama Zakona o javnim nabavkama, podzakonskim i općim aktima.

Iz navedenih razloga, primjenom člana 69. stav (2) tačka a), člana 70 st. (1), (4) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu komisije za nabavke, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem Ugovornog organa, kao prvostepenog organa i to na način propisan odredbama člana 99. Zakona o javnim nabavkama. Ugovorni organ će postupiti po žalbi na način propisan odredbama člana 100. Zakona o javnim nabavkama.

Dostavljeno:

- Sektor za materijalno-finansijske poslove KUCZ KS
- Ministarstvu finansija Kantona Sarajevu
- a/a

